



Usikhukukazi Uqhatha Ukhozi

✎ Nathan Higenyi

👤 Rob Owen

💬 Xolisa Guzula

💬 Xhosa

📊 Level 3





Kudala-dala, uSikhukukazi noKhozi babengabahlobo. Ngenye imini, uKhozi wafika uSikhukukazi ephumle phantsi komthi neebhegi zakhe ezinegrosari. USikhukukazi wayeme ngomlenze omnye.



UKhozi wabuza kuSikhukukazi, “Uphi omnye umlenze wakho?”



USikhukhukazi waphendula uKhozi wathi,
“Unovenkile unqumle umlenze wam waze
wandinika ezi bhegi endaweni yawo.”



UKhozi wabuza kuSikhukukazi ukuba angakwazi na naye ukwenza loo nto. Naye wayeyifuna ibhegi egcwele igrosari. USikhukukazi wavuma.



UKhozi waya kunovenkile wamcela ukuba anqumle omnye umlenze wakhe aze amnike ibhegi enegrosari ngaphakathi. Unovenkile wavuma.



UKhozi wangcileza ngomlenze omnye wade wayokufika ekhaya. Wayonwatyiswe kakhulu zizinto awayezinikwe ngunovenkile.



Wathi akufika ekhaya uKhozi, wabona uSikhukukazi ehamba ngayo yomibini imilenze yakhe.



Wabanomsindo uKhozi waze waleqa uSikhukukazi.
Kodwa akazange amfumane. Yiyo loo nto, uKhozi
esoloko ekhangela amantshontsho kaSikhukukazi.
Xa ethe walibona intshontsho, uyalibamba alitye.



Storybooks South Africa

global-asp.github.io/storybooks-southafrica

Usikhukukazi Uqhatha Ukhozi

Written by: Nathan Higenyi

Illustrated by: Rob Owen

Translated by: Xolisa Guzula

This story originates from the African Storybook (africanstorybook.org) and is brought to you by [Storybooks South Africa](https://global-asp.github.io/storybooks-southafrica) in an effort to provide children's stories in South Africa's many languages.



This work is licensed under a Creative Commons
[Attribution 4.0 International License](https://creativecommons.org/licenses/by/4.0/).